

Headline	Amah Majikan lega jaminan PM		
MediaTitle	Utusan Malaysia		
Date	20 Mar 2012	Color	Full Color
Section	Dlm Negeri	Circulation	197,952
Page No	28	Readership	833,287
Language	Malay	ArticleSize	238 cm ²
Journalist	NORIZAN ABDUL MUHID	AdValue	RM 4,747
Frequency	Daily	PR Value	RM 14,241



Malaysia berpegang persetujuan sebelum ini dengan Indonesia Amah: Majikan lega jaminan PM

Oleh NORIZAN ABDUL MUHID
pengarang@utusan.com.my

KUALA LUMPUR 19 Mac - Pelbagai pihak lega dengan jaminan Perdana Menteri, Datuk Seri Najib Tun Razak untuk berpegang dengan persetujuan sebelum ini berhubung isu gaji amah dari Indonesia.

Sehubungan itu, mereka menggesa kerajaan bertegas dan tidak melayani tuntutan terbaru yang dikemukakan oleh pihak Indonesia antaranya meminta gaji minimum RM700 sebulan dengan melakukan satu tugas khusus.

Presiden Majikan Amah Malaysia (Mama), Engku Fauzi Engku Muhsein (**gambar**) berkata, Malaysia perlu tegas berdepan dengan kerena Indonesia itu demi menjaga kepentingan rakyat dan pada masa sama mengingatkan negara jiran itu agar mematuhi persefahaman yang telah dicapai.

"Kita melihat Indonesia sengaja mahu mengambil kesempatan daripada permintaan tinggi terhadap tenaga kerja pembantu rumah dari negara itu dengan mengemukakan syarat baru yang lebih menguntungkan mereka," katanya ketika dihubungi di sini.

Kelmarin, Perdana Menteri, Datuk Seri Najib Tun Razak melahirkan kemusykilan beliau terhadap tindakan Indonesia menetapkan peraturan baru penghantaran pembantu rumah yang antara lain memperuntukkan mereka hanya melaku-

kukan satu tugas khusus dengan gaji minimum RM700.

Kata Najib, peraturan baru yang diumumkan Ketua Pengarah Pembinaan dan Penempatan Tenaga Kerja, Kementerian Tenaga Kerja dan Transmigrasi Indonesia, Dr. Reyna Usman itu 'tidak munasabah langsung'.

Pensyarah Ekonomi Kolej Perniagaan Universiti Utara Malaysia (UUM), Haim Hilman Abdullah berkata, tindakan Indonesia itu tidak praktikal dan hanya menguntungkan negara tersebut.

Katanya, jika tuntutan syarat baru Indonesia itu diikuti, ia sudah pasti mendatangkan tekanan kewangan kepada rakyat negara ini yang terpaksa menanggung kos tinggi untuk menggaji pembantu rumah.



KERATAN *Mingguan Malaysia*, 18 Mac 2012